




ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 1-ին, չորեքշաբթի.—Այսօր ուխտավորաբար Մայր Աթոռ ժամանեց Անգլիայի հայոց հայրապետական պատվիրակ տ. Ներսես եպս. Պոզապալյանը, որը մայիսի 22—29 օրերին մասնակցել էր Անթիլիասում Մեծի Տանն Կիլիկիո աթոռակից-կաթողիկոսի ընտրության և օծման հանդիսություններին՝ որպես Մայր Աթոռի պատգամավոր:

*
* *

Նույն օրը, երեկոյան ժամը 20-ին, Վեհաբանի հանդիսությանց դահլիճում միաբանները ստիժը ունեցան դիտելու 1976 թվականի սեպտեմբերի վերջերին Մայր Աթոռում կատարված սրբալույս մեռոնի օհնության և Վեհափառ Հայրապետի գահակալության 20-ամյակի հանդիսություններին նվիրված գունավոր կինո-ժապավենը:

Շարժապատկերը դիտեցին նաև Մայր Աթոռում գտնվող պոլսահայ ուխտավորները:

*
* *

Հունիսի 3-ին, ուրբաթ.—Այսօր, երեկոյան ժամը 19-ին, Վեհաբանում, Վեհափառ Հայրապետի նախագահությամբ, գումարվեց Գերագույն հոգևոր խորհրդի հերթական նիստը, որին հրավիրվել էր ներկա լինելու տ. Ներսես եպս. Պոզապալյանը: Վեհափառ Հայրապետը հատենի ժողովի ողջունեց տ. Ներսես եպիսկոպոսի ներկայությունը: Ապա խոսք ստավ տ. Ներսես եպիսկոպոսը և համատուակի, բայց ամբողջական ձևով զեկուցեց մայիսի 22—29 օրերին Անթիլիասում կատարված Մեծի Տանն Կիլիկիո աթոռակից-կաթողիկոսի ընտրության և օծման հանդիսությունների մասին, որոնց նա մասնակցել էր որպես Մայր Աթոռի պատգամավոր:

Գերագույն հոգևոր խորհուրդը իր գոհունակությունը արձանագրեց տ. Ներսես եպիսկոպոսի շահեկան զեկույցման առիթով:

*
* *

Հունիսի 5-ին, Կիրակի.—Այսօր Մայր տաճարում ս. պատարագ է մատուցում տ. Նշան քհն. Բելլերյանը:

*
* *

Հունիսի 6-ին, երկուշաբթի.—Տօն սրբ-
բոց կուսանացն Հռիփսիմեանց.

Այսօր ս. Հռիփսիմե տաճարում ս. պատարագ է մատուցում տ. Հովսեփ քհն. Հակոբյանը և «Հայր մեր»-ից առաջ քարոզում՝ «Զի մահուամբ ձերով մեզ ճանա-
պարհ հորդեցիք. ելանել ամենայն մարդոյ առ Աստուած» (Ծարական) քնաքանով:

Հավարտ ս. պատարագի կատարվում է հոգեհանգստյան մասնավոր պաշտոն՝ վանքի վերակառուցման բարերարներ Հյուսիսյան և Մարտիկյան գերդաստանների ննջեցյալների հիշատակին:

*
* *

Հունիսի 7-ին, երեքշաբթի.—Տօն սրբ-
բոց կուսանացն Գայիանեանց.

Այսօր ս. Գայանե վանքի տաճարում ս. պատարագ է մատուցում վանքի վանա-
հայր տ. Գուրգեն քհն. Աշուրյանը: «Հայր մեր»-ից առաջ քարոզում է տ. Արտակ քհն. Սիմոնյանը՝ «Առաքեա՛ Տէր, զլոյս քո և զճշմարտութիւն քո, զի առաջնորդեցեն ինձ և հանցեն զիս ի լեառն սուրբ և ի յարկս քո» (Սաղմ. ԽԲ 3) քնաքանով:

Հավարտ ս. պատարագի կատարվում է հոգեհանգստյան պաշտոն՝ «վասն համօ-
րէն ննջեցեալ կաթողիկոսաց, եպիսկոպո-
սաց, վարդապետաց, սարկաւազաց և ամե-
նայն ոխտի մանկանց Հայաստանեայց եկեղեցոյ»:

*
* *

Հունիսի 9-ին, հինգշաբթի.—Տօն սրբ-
բոյն Յովհաննու Կարապետին և Աթանա-
գիանայ եպիսկոպոսին.

Եկեղեցական հանդես ի վանս ս. Ծողակաթի.

Այսօր, օրվա տոնի առիթով, վանքի եկեղեցում ս. պատարագ է մատուցում տ. Գրիգոր քհն. Փանոսյանը և «Հայր մեր»-ից առաջ քարոզում՝ «Տէր լոյս իմ և կեանք իմ, ես յումմէ՛ երկեաց. Տէր ապաւնն կեանց իմոց, ես յումմէ՛ դողացայց» (Սաղմ. ԻԶ 1) քնաքանով:

Հավարտ ս. պատարագի կատարվում է հոգեհանգստ՝ վանքի վերանորոգության բարերար, նորոգ հանգուցյալ Սուրեն Քալենտերյանի հիշատակին:

*
* *

Հունիսի 11-ին, շաբաթ.—Տօն սրբոյն
Գրիգորի Լուսաորչին մերոյ ելն ի Վի-
րապէն.

Այսօր Մայր տաճարում, Իջման ս. սեղանի վրա, պատարագ է մատուցում ուխտավորաբար Մայր Աթոռում գտնվող Երուսաղեմի հայոց ս. Հակոբյանց վանքի միաբան տ. Ռուբեն վրդ. Հովակիմյանը:

«Հայր մեր»-ից առաջ քարոզում է պատարագիչ վարդապետը՝ «Ուրախ եղե ես ոյք ասէին ցիս ի տուն Տեառն երթի-
ցուք մեք» (Սաղմ. ՄԻԱ 1) քնաքանով:

*
* *

Հունիսի 12-ին, կիրակի.—Տօն կաթու-
ղիկէ ս. Էջմիածնի.

Այսօր, օրվա մեծ տոնի առիթով, Մայր տաճարում, Ավագ սեղանի վրա, հանդի-
սավոր պատարագ է մատուցում Մայր տաճարի լուսարարապետ տ. Հուսիկ եպս. Սանթրոյանը: «Հայր մեր»-ից առաջ քարոզում է Վեհափառ Հայրապետը՝ «Էջ Միածինն ի Հօրէ և լոյս փառաց ընդ նմա» շարականի քնաքանով՝ վեր հանելով հայ եկեղեցու կյանքում և հայ ժողովրդի պատ-
մության մեջ Մայր Աթոռ ս. Էջմիածնի կատարած հոգևոր, մշակութային, հայրե-
նասիրական լուսավոր առաքելության մա-
սին, ս. Գրիգոր Լուսավորչի օրերից մինչև մեր ժամանակները:

Հավարտ ս. պատարագի, Վեհափառ Հայրապետի հանդիսադրությամբ, կատար-
վում է Հայրապետական մաղթանք:

Հունիսի 14-ին, երեքշաբթի.—Այսօր, առավոտյան, հոգևոր ճանարանի ուսանողությունը տեսչի և դասախոսական կազմի գլխավորությամբ քառօրյա ոխտազնացության մեկնեց Աղց-Արշակունիների դամբարան, Թալինի, Մաստարայի, Հատինի, Մարմաշենի, Օձունի, Հնեվանքի, Սանահրենի, Հաղբատի և Քոբայրի վանքեր և Հայաստանի հյուսիսային շրջանների պատմական հուշարձաններ ու քաղաքներ: Հունիսի 17-ին ուսանողությունը վերադարձավ Մայր Աթոռ՝ անցնելի տպավորություններով:

Հունիսի 19-ին, կիրակի.—Այսօր Մայր տաճարում ա. պատարագ է մատուցում տ. Մոմիկ վրդ. Սարգսյանը և «Հայր մեր»-ից առաջ քարոզում՝ «Ծանաչել զիմաստութիւն և զխրատ, իմանալ զքանս հանճարոյ» (Առակք Ա. 1) բնաբանով:

Հավարտ ա. պատարագի կատարվում է հոգեհանգստյան պաշտոն՝ բեյրութահայ վաստակավոր ուսուցիչ և հասարակական գործիչ, նորոգ հանգուցյալ Գրիգոր Պողարյանի հիշատակին:

Հունիսի 25-ին, շաբաթ.—Գիտ Նշխարաց սրբոյն Գրիգորի Լուսաւորչին մերոյ.

Այսօր Մայր տաճարում ա. պատարագ է մատուցում ոխտազնարար Փարիզից ժամանած Մայր Աթոռիս միաբան տ. Գրիգորիս վրդ. Բունիաթյանը:

Հունիսի 26-ին, կիրակի.—Այսօր Մայր տաճարում ա. պատարագ է մատուցում ոխտազնարար ա. Էջմիածին ժամանած Դամասկոսի հայոց առաջնորդ տ. Ոսկան ծ. վրդ. Գալքակյանը և «Հայր մեր»-ից առաջ քարոզում՝ «Արդ եկաք հաւատացեալք և կոչեցեալք յորդեգրութիւն սրբոյն Գրիգորի» (Ծարական) բնաբանով:

Հունիսի 29-ին չորեքշաբթի.—Այսօր, երեկոյան ժամը 20-ին, Վեհաբանում տեղի ունեցավ Մայր Աթոռի միաբանների հերթական հավաք, որի ընթացքում Վեհափառ Հայրապետը ողջերթի հայրական խոսք է ասում տ. Հակոբ արք. Գրլընճյանին, որը ուսանելու պիտի մեկնի Գերմանիա:

Ապա՝ «Կանոնի փիլիսոփայական հայացքների տեսությունը» թեմայով իր երրորդ զեկուցումն է կարդում ոխտազնարար Մայր Աթոռում գտնվող աթոնարանակ Ստեփանոս Զազալյանը:

Դասախոսությանը ներկա էր նաև Վեհափառ Հայրապետը:

Հունիսի 30-ին, հինգշաբթի.—Տօն Սըրբոց Թարգմանչացն մերոց Սահակայ և Մեսրոպայ.

Այսօր Օշական գյուղում, ա. Մեսրոպ Մաշտոցի աճյունն ամփոփող եկեղեցում, ա. պատարագ է մատուցում ոխտազնարար ա. Էջմիածնում գտնվող ԱՄՆ-ի հայոց արևելյան թեմի Հայ եկեղեցաւեր երիտասարդաց կազմակերպության ղեկավար և Ուեստչեստերի հոգևոր հովիվ տ. Գարեգին քհն. Գասպարյանը:

«Հայր մեր»-ից առաջ պատարագիչը հայրենաշունչ և ոգևորիչ քարոզ է խոսում՝ «Ծանաչել զիմաստութիւն և զխրատ, իմանալ զքանս հանճարոյ» (Առակ. Ա. 1) բնաբանով:

Ա. պատարագին ներկա էր նաև Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը:

Ա. պատարագի երգեցողությունը կատարվում է ամերիկահայ երիտասարդաց կազմակերպության մասնակցությամբ:

Հավարտ ա. պատարագի Վահան Ամատունի մեծ իշխանի դամբարանի վրա կատարվում է հոգեհանգստյան պաշտոն՝ ինչպես հայրենակներ իշխանի, այնպես էլ այս եկեղեցու վերակառուցման քարերարներ Հայկ և Թորգոմ Դազարոսյանների հիշատակին: